



*Komisija za drugostepeno upravno rješavanje
Gradskog vijeća Grada Sarajeva*

Broj: 04-GV-02-373-1/22
Sarajevo, 04.03.2022. godine

Komisija za drugostepeno upravno rješavanje Gradskog vijeća Grada Sarajeva, na Devetoj sjednici održanoj 04.03.2022. godine, razmatrala je:

1. Razmatranje Žalbe žalioca MN Media Company d.o.o. Sarajevo izjavljene na Rješenje broj: 09-19-3238-1/21 od 23.11.2021. godine

i podnosi predsjedavajućem Gradskog vijeća Grada Sarajeva sljedeći:

IZVJEŠTAJ

TAČKA

Razmatranje Žalbe žalioca MN Media Company d.o.o. Sarajevo izjavljene na Rješenje broj: 09-19-3238-1/21 od 23.11.2021. godine

Poslije uvodnog izlaganja i rasprave, te sažetka Predsjedavajućeg, Komisija za drugostepeno upravno rješavanje je jednoglasno usvojila sljedeće **zaključke**:

1. Komisija za drugostepeno upravno rješavanje je razmotrila Žalbu žalioca MN Media Company d.o.o. Sarajevo izjavljene na Rješenje broj: 09-19-3238-1/21 od 23.11.2021. godine i konstatuje da je žalba blagovremena, dopuštena i izjavljena od strane ovlaštene osobe.
2. Komisija za drugostepeno upravno rješavanje odbija Žalbu žalioca MN Media Company d.o.o. Sarajevo izjavljene na Rješenje broj: 09-19-3238-1/21 od 23.11.2021. godine kao neosnovanu i potvrđuje prvostepeno rješenje gradonačelnice.
3. Komisija za drugostepeno upravno rješavanje je donijela odluku kao u dispozitivu iz razloga kako slijedi:

„Izjavljenom žalbom nije dovedeno u pitanje činjenično stanje utvrđeno od strane prvostepenog organa, te je iz iste vidljivo da je navedeni dug evidentiran kroz poslovne knjige Grada Sarajeva i kao takav dospio u momentu predavanja zahtjeva, pa je prvostepeni organ na tako utvrđeno činjenično stanje, pravilno primjenio materijalno pravo. Činjenica da se vodi sudski postupak vezano za navedeni dug, ne može biti osnov za usvajanje žalbe, obzirom da i sam žalitelj u svojoj žalbi, ukazuje da je sudski postupak u toku te kako isti postupak nije pravosnažno okončan sudskom odlukom, to navodi iz žalbe predstavljaju prejudiciranje odluke suda.



PREDSTEDAVAJUĆI KOMISIJE

Kenan Mamić, s. r.





Komisija za drugostepeno upravno rješavanje
Gradskog vijeća Grada Sarajeva

Broj: 04-GV-04-373-1/22

Datum: 04.03.2022. godine

Na osnovu člana 223. stav 1., u vezi sa članom 237. stav 1. Zakona o upravnom postupku („Službene novine Federacije Bosne i Hercegovine“, br. 2/98 i 48/99) i člana 58. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20), Komisija za drugostepeno upravno rješavanje Gradskog vijeća Grada Sarajeva rješavajući po Žalbi pravnog lica MN MEDIA COMPANY d.o.o. sa sjedištem u Sarajevu, broj: 09-19-3238-1/21 od 23.11.2021. godine, zaprimljenu kod prvostepenog organa dana 20.12.2021. godine pod brojem 09-19-7191/21 godine na Rješenje gradonačelnice Grada Sarajeva broj: 09-19-3238-1/21 od 23.11.2021. godine, na sjednici održanoj 04.03.2022. godine donosi

RJEŠENJE

Odbija se kao neosnovana žalba pravnog lica MN MEDIA COMPANY d.o.o. broj: 09-19-3238-1/21 od 23.11.2021. godine na Rješenje gradonačelnice Grada Sarajeva broj: 09-19-3238-1/21 od 23.11.2021. godine

Obrazloženje

Rješenje gradonačelnice Grada Sarajeva broj: 09-19-3238-1/21 od 23.11.2021. godine odbijen je zahtjev pravnog lica MN MEDIA COMPANY d.o.o. sa sjedištem u Sarajevu za korištenje priobalnog pojasa rijeke Miljacke u svrhu postavljanja jednostrane reklame tipa Bigboard-a na lokaciji Bulevar Meše Selimovića prije RTV Doma, lijeva obala Miljacke dimenzija 10x5m, u zoni II, uz obrazloženje da navedeno pravno lice ima dospjelih, a neizmirenih naknada po izdatim rješenjima, te da zahtjevu nije moguće udovoljiti sukladno članu 5. Pravilnika o visini naknade i načinu plaćanja korištenja uređenih korita i obala vodotoka na području Grada Sarajeva za period do donošenja elaborata o vodotocima, odnosno do kraja 2021. godine („Službene novine Kantona Sarajevo, broj 31/21“) jer je propisano da za „korisnika za kojeg sde u toku postupka izdavanja odobrenja utvrdi da od ranije ima dospjele, a neizmirene naknade utvrđene u članu 4. stav 1. i stav 2., neće se izdati novo odobrenje dok navedene naknade ne budu u cijelosti izmirene.

Pravno lice MN MEDIA COMPANY d.o.o. je na citirano rješenje gradonačelnice izjavio žalbu broj: 09-19-3238-1/21 od 23.11.2021. godine, zaprimljenu kod prvostepenog organa dana 20.12.2021. godine pod brojem 09-19-7191/21 godine u kojoj kao razlog osporavanja rješenja navodi da se u odnosu na navedeni dug vodi sudski proces iz razloga što dug osporavaju, te da su imali rješenje za navedenu lokaciju- ispostavljenu fakturu i iznenada bez obrazloženja storniranu i da je tužba od strane Grada povučena. Uz žalbu, žalitelj nije priložio nikakve dokaze i popratne priloge za svoje navode.

U odgovoru na žalbu broj: 09-19-7191-2/21 od 22.02.2022. godine prvostepeni organ je naveo da je ožalbeno rješenje doneseno temeljem primjene člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva („Službene novine Kantona Sarajevo“, broj 2/07), člana 200. Zakona o upravnom postupku („Službene novine Federacije Bosne i



Hercegovine“, br. 2/98 i 48/99) i člana 5. Pravilnika o visini naknade i načinu plaćanja korištenja uređenih korita i obala vodotoka na području Grada Sarajeva za period do donošenja elaborata o vodotocima, odnosno do kraja 2021. godine („Službene novine Kantona Sarajevo, broj 31/21“), te da je ožalbeno rješenje izdato nakon uvida u analitičku karticu u kojoj je utvrđeno da žalitelj ima dug po osnovu izdatih i pravosnažnih rješenja za korištenje uređenih korita i obala vodotoka na području grada Sarajeva, te da je tako pravilno primjenjen član 5. navedenog Pravilnika. Uz navedeni odgovor na žalbu dostavljeni su i izvodi otvorenih stavki koji se vode kod Gradske službe za finansije, i to: otvorene stavke 23.11.2021. godine, 24.11.2021. godine i 23.02.2022. godine.

Komisija za drugostepeno upravno rješavanje Gradskog vijeća Grada Sarajeva je nakon razmatranja žalbe pravnog lica “PLAKAT“ d.o.o. Sarajevo našla da je žalba neosnovana.

U žalbnom postupku utvrđeno je u iz spisa predmeta da je prvostepeni organ u momentu rješavanja po zahtjevu pravnog lica “PLAKAT“ d.o.o. Sarajevo za izdavanje rješenja kojim bi bilo odobreno korištenje priobalnog pojasa rijeke Miljacke u svrhu postavljanja jednostrane reklame tipa Bigboard-a na lokaciji Bulevar Meše Selimovića prije RTV Doma, lijeva obala Miljacke dimenzija 10x5m, u zoni II, ispravno zaključio da nije ispunjen uvjet iz člana 5. Pravilnika o visini naknade i načinu plaćanja korištenja uređenih korita i obala vodotoka na području Grada Sarajeva za period do donošenja elaborata o vodotocima, odnosno do kraja 2021. godine („Službene novine Kantona Sarajevo, broj 31/21“) kojim se izričito propisuje da se „za korisnika za kojeg se u toku postupka izdavanja odobrenja utvrdi da od ranije ima dospjele, a ne izmirene naknade utvrđene u članu 4. stav (1) i stav (2) Pravilnika, neće izdati novo odobrenje dok navedene naknade ne budu u cijelosti izmirene“, te sukladno tome i donio valjano i zakonito rješenje. Postojanje dospjelih dugovanja je evidentirano u poslovnim knjigama Grada Sarajeva, a o čemu je prvostepeni organ u svom odgovoru na žalbu i dostavio dokaz. Isto tako, žalbenim navodima pravnog lica MN MEDIA COMPANY d.o.o. nije ukazano na postojanje nezakonitosti ožalbenog rješenja ili pogrešne primjene materijalnih i procesnih propisa od strane prvostepenog organ. S tim u vezi, izjavljenom žalbom i žalbenim navodima nije dovedena u pitanje zakonitost prvostepenog rješenja. Drugostepeni organ, također, nalazi da činjenica da se vodi sudski postupak vezno za navedeni dug ne može biti osnov za usvajanje žalbe, obzirom da i sam žalitelj u svojoj žalbi ukazuje da je sudski postupak i toku te kako isti postupak nije pravosnažno okončan, niti ima dokaza o povlačenju tužbe, ova okolnost nije od značaja za odlučivanje u ovoj konkretnoj upravnoj stvari.

Cijeneći navedeno, drugostepeni organ je u postupku po žalbi našao da postoji formalna i materijalna zakonitost donesenog prvostepenog rješenja, te da žalbenim navodima nije osporena zakonitost ožalbenog rješenja, te je, cijeneći, navedeno riješeno kao u dispozitivu ovog rješenja.

Pouka o pravnom lijeku:

Protiv ovog rješenja ne može se izjaviti žalba, ali se može pokrenuti upravni spor.

Upravni spor se pokreće tužbom pred Kantonalnim sudom u Sarajevu u roku od 30 dana od dana prijema ovog rješenja.



Kenan Mamić

Dostaviti:

- Gradonačelnici,
MN MEDIA COMPANY d.o.o, Patriotske lige 35, Sarajevo
- U spis.
- a/a.